

|            |                                    |             |                     |
|------------|------------------------------------|-------------|---------------------|
| Headline   | Teringin bertemu ibu, bapa kandung |             |                     |
| MediaTitle | Berita Harian                      |             |                     |
| Date       | 02 Jul 2014                        | Color       | Full Color          |
| Section    | Nasional                           | Circulation | 314,000             |
| Page No    | 15                                 | Readership  | 942,000             |
| Language   | Malay                              | ArticleSize | 301 cm <sup>2</sup> |
| Journalist | Faizul Azlan Razak                 | AdValue     | RM 10,336           |
| Frequency  | Daily                              | PR Value    | RM 31,008           |



# Teringin bertemu ibu, bapa kandung

» *26 anak yatim Rumah Tunas Harapan Darul Hilmi dirai pada majlis berbuka puasa*

Oleh Faizul Azlan Razak

■ Kuala Terengganu

**H**anya Tuhan tahu betapa rindu Hayati Abdullah (gambar kecil), 17, kepada ibu dan bapa kandungnya, terutama menjelang Aidilfitri ini.

Mengakui hatinya sebak setiap kali mengenangkan dua insan yang tidak pernah dikenali itu, gadis ini memaklumkan, impiananya setiap kali tiba Ramadan ialah bertemu dan menatap wajah mereka, namun sehingga kini masih belum diizinkan Tuhan.

“Sejak lahir hingga sekarang, saya tak pernah tengok mereka. Saya juga tak tahu sama ada mereka masih ada atau tidak di dunia ini, namun naluri saya kuat mengatakan mereka masih hidup... saya teringin jumpa

mereka,” katanya sambil menerangkan, dia langsung tidak menyimpan dendam terhadap ibu bapanya.

Hayati adalah seorang daripada 26 anak yatim Rumah Tunas Harapan Darul Hilmi, Seberang Takir, di sini yang diraikan pada

majlis berbuka puasa di Tabung Haji Hotel & Convention Centre (TH Hotel) di Gong Badak, kelmarin.

Turut diraikan pada majlis dihadiri Pengurus Besar TH Hotel, Engku Norris Engku Hussin itu adalah 46 warga miskin.

## Ditinggal di tepi jalan

Kisah hidup pelajar Tingkatan Lima Sekolah Menengah Kebangsaan (SMK), Ibrahim Fikri ini memang menyayat hati, ditinggalkan di

tepi jalan di Johor Bahru selepas dilahirkan, sebelum ditempatkan di Rumah Anak-Anak Yatim Tengku Ampuan Fatimah, Kuantan dan kemudian ke Rumah Tunas Harapan Darul Hilmi pada usia lapan tahun hingga sekarang.

“Sepanjang 17 tahun hidup, saya mengharungi hari-hari tanpa kasih sayang ibu bapa, tidak seperti orang lain. Jika benar mereka sudah meninggal dunia, saya reda dengan ketentuan Tuhan. Tapi, saya akan terus berdoa supaya kami dipertemukan sekiranya mereka masih hidup,” katanya.

|            |                                    |             |                     |
|------------|------------------------------------|-------------|---------------------|
| Headline   | Teringin bertemu ibu, bapa kandung |             |                     |
| MediaTitle | Berita Harian                      |             |                     |
| Date       | 02 Jul 2014                        | Color       | Full Color          |
| Section    | Nasional                           | Circulation | 314,000             |
| Page No    | 15                                 | Readership  | 942,000             |
| Language   | Malay                              | ArticleSize | 301 cm <sup>2</sup> |
| Journalist | Faizul Azlan Razak                 | AdValue     | RM 10,336           |
| Frequency  | Daily                              | PR Value    | RM 31,008           |



**Engku Norris (kanan)** menyampaikan duit raya kepada seorang anak yatim pada majlis berbuka puasa meraikan anak yatim Rumah Tunas Harapan Darul Hilmi di Kuala Terengganu, semalam.

[FOTO TG SYAMIM TG ISMAIL/BH]